

秀實新成也。將收不可懈也。次禾。乃登。此句不見本經。農乃登穀。蓋謂之乎。月令曰。天子嘗新。薦寢。庶註云。黍稷之屬。於是始熟也。白露。八月節。配于庚。鴻雁來。說文云。大曰鴻。小曰鴈也。雁有人情。暑則北翔。涼則南飛。履霜。懼冰。識微知機。故隨陰陽不居。中國。鄭玄云。庚更也。万物代改。故庚主。八月節。在西方。以配於金也。次玄。鳥歸。玄鳥者燕也。釋鳥文曰。玄鳥歸爲仲秋。至爲仲春。此鳥不遠去。必在四夷。不居中國。在幽僻之處。不常見也。次群。鳥養。養。養進也。雖有鳥名蟲也。是螢火也。又云。丹鳥也。其謂之鳥者。其所養之物。不盡食之。故雖蟲謂鳥也。秋分。八月中。配于酉。雷始收聲。雷是陽氣。主於動。今地中潛伏焉。今按之。雷生於震。震木也。中秋。金王之時也。木畏金。故雷潛入地中。伏乎三禮。義宗云。酉老也。万物老極成熟。故酉主地分。以配于金。次蟄。虫。坏。戶。此時候。蟄益。戶者。小虫以土漸增益穴之四畔。使通明。而溫暖之間出入也。陰氣至之時。稍坏之。十月寒甚。乃閉也。次水。始涸。涸。竭也。八月末。角宿朝見。東方時。殺氣盛。而雨氣盡之後。天根朝見。東方時。水潦盡竭也。天根者。氐也。是寒露之前。五日之候也。農既收。則治道。水上爲梁。是利民轉運故也。寒露。九月節。配于辛。鴻雁來。賓。仲秋節。云。鴻雁來。今季秋節。云。來賓。止中國。未去。猶如賓客。故云。賓。仲秋之候。初來過去。故不云。賓也。鄭玄云。辛新也。万物皆秀實新成。故辛主。九月節。以配於金。次雀。入。大。水。爲。蛤。大。水。海也。國語云。雀入于海爲蛤。故知。大。水。海也。次菊。有。黃。華。此時候。无文。霜降。九月中。配于戌。豺。乃。祭。獸。此時候。祭獸者。戮殺禽獸也。初得者。皆殺而祭。之後得者。殺不祭也。三禮。義宗云。戌滅也。殺也。此時候。物衰滅。故戌主。九月中。以配於土。次草。木。黃。落。此亦无文。今按。伐木。必可用。殺氣乎。次蟄。虫。咸。俯。此時候。垂頭。以土。墮塗也。前月。但藏。而坏。戶。至此月。垂頭。嚮下。以隨陽氣。故也。塗塞其戶。穴。辟地上。陰殺之氣也。立冬。十月節。配于乾。水。始。冰。此時候。无文。按之。陽氣漸沈。陰氣已來乎。鄭玄云。乾純陽之象。生物之首也。陽氣之本也。故先子之位。以堅剛也。故乾主。立冬。在西北之維。以配于金。次地。始。凍。此時候。无文。次野。雉。入。大。水。爲。蜃。大。水。者。淮水也。大。蛤。曰。蜃。晉語云。雉入于淮爲蜃也。小雪。十月中。配于亥。虹。藏。不見。此亦无文。今按。虹者。陰陽交會之時。見。故陰陽等。則虹出也。今純陰之時。虹藏。不見乎。小雪者。霜露。